



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 726. Usque Ad Annum 813

Fleury, Claude

August. Vind. [u.a.], 1760

VD18 90117859

§.16. Alcuini Tractatus contra Elipandum.

[urn:nbn:de:hbz:466:1-66091](https://nbn-resolving.org/urn:nbn:de:hbz:466:1-66091)

Sæcul. VIII.

A. C. 800.

An. Egin.

Rex Carolus hyeme Aquisgrani transacta in medio mensis Martii anno octingentesimo iter inde suscepit ad Oceanicas oras visendas, quas jam tunc Piratæ Normanni infestabant. Paschatis deinde Festo, quod in decimam nonam Aprilis incidebat, in Monasterio Centulensi seu S. Richarii, in quo Angilbertus Abbas præerat, celebrato, inde Rothomagum, & tum Turonem venit, ut ad sepulchrum S. Martini oraret, & Alcuino colloqueretur, cui hanc Abbatiam contulerat. Sed moras ibi trahere compulsus est Carolus ob morbum Reginae Luitgardis uxoris suæ, quæ ibidem quarta Junii obiit. Inde Rex per Civitatem Aurelianensem Parisios, Aquisgranum, & initio mensis Augusti Moguntiam reversus est, ubi Comitia Procerum, quæ posterioribus temporibus *Parlamentum* dicta sunt, celebravit, & profectionem in Italiam suscipere statuit.

§. XVI.

Alcuini Tractatus contra Elipandum.

*Alcuin. in
Elip. lib. I.
Alc. ep. 13.*

Sub idem tempus Carolus in Hispaniam remisit duos Archiepiscopos Leidradum Lugdunensem & Nefridum Narbonensem cum Benedicto Abbate Anianensi, Viro in illis Regionibus celeberrimo, qui Felicis Urgelitani Hæresim penitus

nitus extinguere. Alcuinus vero Tra-
 ctatum composuit, ut Elipandi Episto-
 læ responderet, divisum in quatuor li-
 bros, quorum duo priores ipsius Episto-
 læ Refutatio sunt, & in posterioribus
 Veritas Catholica stabilitur. Hos Al-
 cuinus Episcopis misit, quos in itinere
 legerent, & censuræ subicerent, prius-
 quam eos in lucem ederet. In Libro
 primo totius causæ ordinem, oratione
 ad Elipandum directâ, narrat in hunc
 modum: *Antequam in Franciam a Re-
 ge Carolo vocatus venissem, Error tuus
 Ratisbonæ examini subjectus Rege præsi-
 dente, & Felice præsentate, Auctoritate
 Episcoporum damnatus est, quem jam
 antea Hadrianus Papa damnaverat. At
 Felix in vestras regiones reversus eum te
 instigante denuo resuscitare molitus est.
 Cum deinde in hanc Provinciam venissem,
 data ad eum Epistola amice & urgente
 charitate hortatus sum, ut Ecclesiæ Ca-
 tholicæ reconciliari vellet. Ipse vero da-
 to responso in amplissimo libro Hæresim
 vestram luculentissime prodidit. Hanc
 refutavi editis septem libris, qui præsen-
 tibus Rege & Episcopis lecti & approba-
 ti fuere. Tandem anno trigesimo secun-
 do regnantis Caroli Felix Aquisgranum
 vocatus haud repugnante animo venit,
 & præsentate Rege, Proceribus Episcopis-
 que vim veritatis non ferens dedit glo-
 riam*

Sæcul. VIII.
 A. C. 800.

p. 939.

Sæcul. VIII.

A. C. 800.

riam Deo, & veram fidem confessus cum Discipulis suis præsentibus ad unitatem Catholicam rediit. Suadeo tibi, venerabilis Pater mi! ut cum Discipulis tui humilitatis ejus exemplum sequaris.

§. XVII.

Alcuini Virtutes.

ep. 13.

Alcuinus Regi Carolo ad profectiorem Italicam cum ipso suscipiendam se invitanti non est obsecutus, nec movebatur joco, cum Rex diceret, quod tecta urbis Turonensis fuliginosa aureis Romæ Palatiis præferret. *Hic fruimur pace, inquiebat, quam nobis dedisti, & Romæ Fratrum discordia olim fundata tantum hodieque malum in suis visceribus fovet, teque compellit, ut relictis jucundissimis Germaniæ sedibus abeas, illiusque furores compescas.* Sæpius ita Regem rogabat, ut se solitudine, quam semper amaverat, frui sineret, & tandem senectutem & corporis infirmitatem obtendens, nunquam amplius Turone pedem extulit.

Ep. 17. 19.

23. &c.

Sup. Lib.

XLIV. §. 54.

vit. c. 6. Mab.

Elog. c. 7.

8. &c.

Ut Rex Alcuinum in Francia retineret, duas eidem Abbatias, paulo postquam secundo illuc venisset, dederat, nempe Ferrariensem in Diœcesi Senonensi, & S. Lupi Trecensis. Contulit ei etiam postmodum Cellam maritimam S. Judoci, & tandem anno 796. defun-